



განათლების მართვის საინფორმაციო სისტემა

სატენდერო დოკუმენტაცია

სსიპ განათლების მართვის საინფორმაციო სისტემისთვის ლიცენზიების

შესყიდვის ელექტრონული ტენდერი

ანგარიშსწორება განხორციელდება 2014 წლის სახელმწიფო ბიუჯეტის სახსრებით

CPV48200000 -ქსელების, ინტერნეტის და ინტრანეტის პროგრამული პაკეტები

ქ. თბილისი

2014 წელი

1. ინსტრუქცია ტენდერში მონაწილეთათვის

1.1 სახელმწიფო შესყიდვების ერთიან ელექტრონულ სისტემაში (შემდგომში – სისტემა) შესყიდვის პროცედურები ხორციელდება საქართველოს კანონის „სახელმწიფო შესყიდვების შესახებ“ და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის #9 ბრძანების შესაბამისად. (შემდგომში – წესი)

1.2 წესით განსაზღვრულ პროცედურებსა და სახელმწიფო შესყიდვების ერთიანი ელექტრონული სისტემაში არსებულ პროცედურებს შორის შეუსაბამობის წარმოშობის შემთხვევაში უპირატესობა ენიჭება სისტემაში არსებულ პროცედურებს.

1.3 სატენდერო წინადადების წარდგენისათვის მონაწილე უნდა დარეგისტრირდეს სისტემაში, დაეთანხმოს აფიდავიტს, შემდეგ წარმოადგინოს სატენდერო წინადადების უზრუნველყოფის ელექტრონული გარანტია და გადაიხადოს ტენდერში მონაწილეობის საფასური.

1.4 ელექტრონული გარანტიის ოდენობა შეადგენს შესყიდვის ობიექტის სავარაუდო ღირებულების 1(ერთი) პროცენტს. წინადადების წარდგენისათვის საფასურის ოდენობა შეადგენს 50 ლარს.

1.5 სატენდერო წინადადება შედგება სატენდერო წინადადების ფასისაგან და ტექნიკური დოკუმენტაციისაგან. ტექნიკური დოკუმენტაცია არის შესყიდვის ობიექტისა და პრეტენდენტის შესახებ ნებისმიერი სახის ინფორმაცია, რომელიც მოთხოვნილია სატენდერო განცხადებითა და სატენდერო დოკუმენტაციით, გარდა ადმინისტრაციული ორგანოებიდან წარმოსადგენი საკვალიფიკაციო მონაცემების დამადასტურებელი დოკუმენტებისა.

1.6 ტექნიკური დოკუმენტაციის ატვირთვის შემდეგ პრეტენდენტი სპეციალურ ველში უთითებს სატენდერო წინადადების ფასს (**დღგ-ს ჩათვლით**).

1.7 სატენდერო წინადადების ფასის მითითებისთანავე, პრეტენდენტს საშუალება ეძლევა მონაწილეობა მიიღოს ელექტრონულ ვაჭრობაში. ძირითად დროში შესაძლებელია ფასის ცვლა კლებადობის პრინციპით და შემსყიდველის მიერ კლების წინასაწარ განსაზღვრული მინიმალური ოდენობის - ბიჯის - არანაკლები ოდენობით.

1.8 დამატებითი რაუნდების თითოეულ რაუნდში პრეტენდენტს უფლება აქვს მხოლოდ ერთხელ შეამციროს წინადადების ფასი. პრეტენდენტს უფლება აქვს რაუნდში მონაწილეობა არ მიიღოს და შესაბამისად, ძალაში დარჩება მის მიერ ბოლოს დაფიქსირებული ფასი.

1.9 დამატებით რაუნდებში მონაწილეობის უფლება აქვთ მხოლოდ იმ პრეტენდენტებს, რომლებმაც ძირითად დროში წარმოადგინეს წინადადება დადგენილი წესით. წინადადების ფასის წარდგენის რიგითობა განისაზღვრება შემდეგნაირად: პირველ რაუნდში ბოლო შეთავაზებას აკეთებს ის პრეტენდენტი, რომელმაც ძირითად დროში ყველაზე დაბალი ფასი დააფიქსირა, ხოლო ყოველ მომდევნო რაუნდში - კი ის პრეტენდენტი, რომელმაც წინა რაუნდში ყველაზე დაბალი ფასი დააფიქსირა. წინადადების თანაბარი ფასების დაფიქსირების შემთხვევაში, რაუნდში ბოლო შეთავაზებას აკეთებს ის პრეტენდენტი, რომელმაც პირველმა დააფიქსირა ასეთი ფასი.

1.10 სისტემაში ატვირთული ყველა დოკუმენტი ან/და ინფორმაცია ხელმოწერილი ან/და ბეჭედდასმული უნდა იყოს უფლებამოსილი პირის მიერ. ინფორმაცია წარმოდგენილ უნდა იქნეს ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი.

1.11 დავის შემთხვევაში უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს შემსყიდველი ორგანიზაცია.

1.12 ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად.

1.13 პრეტენდენტს არა აქვს უფლება წარმოადგინოს ალტერნატიული წინადადება

1.14 სატენდერო დოკუმენტაციასთან დაკავშირებული განმარტების ან/და დაზუსტების მიღება პრეტენდენტს შეუძლია სისტემის მოდულის „კითხვა/პასუხის“-ს მეშვეობით.

2. ტექნიკური დოკუმენტაცია

2.1 საკვალიფიკაციო მონაცემების დამადასტურებელი დოკუმენტების წარმოდგენა არ მოითხოვება.

2.2 ანგარიშსწორების პრობები:

2.2.1 შესყიდვის სავარაუდო ღირებულება შეადგენს **159 690,00** (ასორმოცდაცხრამეტი ათას ექვსასოთხმოცდაათი ლარი და 00 თეთრი) ლარს.

2.2.2 სატენდერო წინადადებაში ფასი გამოსახული უნდა იყოს შესყიდვის ობიექტის მიწოდებასთან დაკავშირებული ყველა ხარჯისა და საქართველოს კანონმდებლობით გათვალისწინებული გადასახადების გათვალისწინებით.

2.2.3 სატენდერო წინადადების საერთო და ერთეულის ფასის წარმოდგენა დასაშვებია მხოლოდ ლარებში;

2.2.4 ანგარიშსწორება მოხდება უნაღდო ანგარიშსწორებით ლარში, ფაქტიურად მიწოდებული საქონლის ღირებულების მიხედვით, კანონმდებლობით გათვალისწინებული დოკუმენტების გაფორმებიდან **15 (თხუთმეტი) კალენდარულ დღეში**.

2.2.5 დაფინანსების წყარო: **2014 წლის საბიუჯეტო ასიგნებები**.

2.2.6 შესაძლებელია წინასწარი (საავანსო) ანგარიშსწორება ხელშეკრულების **100%-ის** ოდენობით, შესაბამისი საბანკო გარანტიის საფუძველზე. (საბანკო გარანტიის ვადა უნდა აღემატებოდეს ხელშეკრულების მოქმედების ვადას **30 (ოცდაათი) კალენდარული დღით**).

2.2.7 ხელშეკრულების შესრულების უზრუნველყოფის საბანკო/სადაზღვევო გარანტია არ მოითხოვება.

2.3 შესყიდვის ობიექტის ტექნიკური დავალება:

Ms Learning IT Academy – 1 ცალი;

Office Professional Plus 2013 – 20 000 ცალი;

Windows 8.1 Enterprise – 20 000 ცალი;

SQL Server Standard Core 2012 – 48 ცალი;

Windows Remote Desktop Services-Device CAL - 30 ცალი;

Windows Server Standard 2012 R2 – 4 ცალი;

Windows Server Datacenter 2012 R2 – 4 ცალი;

System Center Datacenter 2012 R2 – 1 ცალი;

შენიშვნა:

საქართველოს განათლებისა და მეცნიერების სამინისტროს 2008 წლის 13 ნოემბერს გაფორმებული ჰქონდა შპს „მაიკროსოფტ აირლენდ ოპერეიშნი ლიმიტედ“-თან „პარტნიორობა განათლებაში - საქართველო“ ურთიერთგაგების მემორანდუმი და ამავდროულად 2010 წელს სსიპ საგანმანათლებლო და სამეცნიერო ინფრასტრუქტურის სააგენტოს სამოქმედო გეგმის შესაბამისად განხორციელებულ იქნა აღნიშნული (Windows) ოპერაციული სისტემის დანერგვა საგანმანათლებლო სისტემაში, შემდგომ 2013 წელს სსიპ განათლების მართვის საინფორმაციო სისტემამ მოახდინა აღნიშნული ლიცენზიის განახლება (SPA130027967). ამჟამად საგანმანათლებლო სისტემაში კვლავ დადგა ლიცენზიების განახლების საჭიროება.

2.4 შესყიდვის ობიექტის მიწოდების ვადები და პრობები:

2.4.1 საქონლის მიწოდება უნდა განხორციელდეს **ხელშეკრულების გაფორმებიდან 15 (თხუთმეტი) კალენდარული დღის განმავლობაში** შემდეგ მისამართზე: ქ. თბილისი, ფანჯიკიძის ქ. N1ა - განათლების მართვის საინფორმაციო სისტემა.

2.5 პრეტენდენტის მიერ სისტემაში ტექნიკური დოკუმენტაციის სახით ასატვირთი მონაცემები:

2.5.1 პრეტენდენტის შეთავაზება და რეკვიზიტის ცხრილი დანართი N1-ის მიხედვით.

2.5.2 ფასების ცხრილი, მიწოდების ვადები და პირობები დანართი N2-ს მიხედვით.

3. დამატებითი ინფორმაცია

სატენდერო დოკუმენტაციასთან დაკავშირებით განმარტების ან/და დაზუსტების მიღება პრეტენდენტს შეუძლია წერილობითი მიმართვის შემთხვევაში შემდეგ მისამართზე: ქ. თბილისი, საქართველო, გ. ფანჯიკიძის ქ. N1ა, სსიპ „განათლების მართვის საინფორმაციო სისტემა“.

საკონტაქტო პირი: *ლანა შენგელია, მობ.: 577-71-55-02; გიორგი მიქაია, მობ.: 577-78-18-28*

4. ხელშეკრულება სახელმწიფო შესყიდვის შესახებ

ელექტრონული ტენდერი SPA -----
ხელშეკრულება № _____
(პროექტი)

წინამდებარე ხელშეკრულების პირობები დაზუსტდება ტენდერში გამარჯვებული პრეტენდენტის სატენდერო წინადადების შესაბამისად, რომელიც ამავდროულად თანდართულ ექნება ხელშეკრულებას, როგორც მისი განუყოფელი ნაწილი.

ქ. თბილისი

----- 2014 წელი

ერთის მხრივ სსიპ განათლების მართვის საინფორმაციო სისტემა (შემდგომში „შემსყიდველი“), წარმოდგენილი ----- სახით და მეორეს მხრივ ----- (შემდგომში „მიმწოდებელი“) წარმოდგენილი ----- სახით შესყიდვის მიზნით ჩატარებული ელექტრონული ტენდერის ჩატარების შედეგად ვდებთ წინამდებარე ხელშეკრულებას შემდეგზე:

1. ტერმინთა განმარტება

1.1 „ხელშეკრულება სახელმწიფო შესყიდვის შესახებ“ - შემსყიდველსა და ტენდერში გამარჯვებულ პრეტენდენტს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებებით და ასევე მთელი დოკუმენტაციით, რომლებზეც ხელშეკრულებაში არის მინიშნებები.

1.2 „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.

2. ხელშეკრულების საგანი

სსიპ განათლების მართვის საინფორმაციო სისტემისთვის MICROSOFT-ის ლიცენზიების სახელმწიფო შესყიდვა.

3. ხელშეკრულების ღირებულება და ანგარიშსწორების პირობები

3.1 ხელშეკრულების ღირებულება შეადგენს: _____ ლარს (დღგ-ს ჩათვლით).

3.2 შესყიდვის ობიექტის ერთეულის და საერთო ფასი განისაზღვრება ხელშეკრულების დანართის შესაბამისად.

3.3 ხელშეკრულების ღირებულება მოიცავს შესყიდვის ობიექტის მიწოდებასთან დაკავშირებულ მიმწოდებლის ყველა ხარჯსა და საქართველოს კანონმდებლობით გათვალისწინებულ გადასახადებს.

3.4 ანგარიშსწორება მოხდება უნაღდო ანგარიშსწორებით ლარში, წინამდებარე ხელშეკრულებაში მითითებული მიმწოდებლის საბანკო რეკვიზიტების შესაბამისად.

3.5 ანგარიშსწორება განხორციელდება მიწოდებული საქონლის ღირებულების მიხედვით, კანონმდებლობით გათვალისწინებული დოკუმენტების სრულყოფილად გაფორმებიდან 15 (თხუთმეტი) კალენდარულ დღეში.

3.6 შესაძლებელია წინასწარი (საავანსო) ანგარიშსწორება ხელშეკრულების 100%-ის ოდენობით, შესაბამისი საბანკო გარანტიის საფუძველზე. (საბანკო გარანტიის ვადა უნდა აღემატებოდეს ხელშეკრულების მოქმედების ვადას 30 (ოცდაათი) კალენდარული დღით).

3.7 დაფინანსების წყარო: 2014 წლის საბიუჯეტო სახსრები.

4. ხელშეკრულების მოქმედების ვადები

ხელშეკრულება ძალაში შედის 2014 წლის ----- და მოქმედებს 2015 წლის ----- ჩათვლით.

5. შესყიდვის ობიექტის მიწოდების პირობები

5.1 საქონლის მიწოდება უნდა განხორციელდეს ხელშეკრულების გაფორმებიდან 15 (თხუთმეტი) კალენდარული დღის განმავლობაში შემდეგ მისამართზე: ქ. თბილისი, ფანჯიკიძის ქ. N1ა - განათლების მართვის საინფორმაციო სისტემა.

6. ხელშეკრულების ინსპექტირება

6.1 შემსყიდველი ახორციელებს კონტროლსა და ზედამხედველობას მიმწოდებლის მიერ ხელშეკრულების პირობების შესრულებაზე.

6.2 ამ მუხლის პირველი პუნქტით გათვალისწინებული კონტროლისა და ზედამხედველობის განმახორციელებელი პირ(ებ)ი შემსყიდველის მიერ განსაზღვრული იქნება ხელშეკრულების გაფორმების მომენტისათვის.

6.3. ყველა გამოვლენილი ხარვეზის ან ნაკლის აღმოფხვრასთან დაკავშირებული ხარჯების ანაზღაურება ეკისრება მიმწოდებელს საქართველოს კანონმდებლობით დადგენილი წესით.

7. შესყიდვის ობიექტის მიღება-ჩაბარების წესი

7.1 ხელშეკრულებით გათვალისწინებული საქონლის მიღება დასტურდება მხარეებს შორის მიღება-ჩაბარების აქტის გაფორმებით, მას შემდეგ რაც მიმწოდებლის მიერ წარმოდგენილი იქნება შესაბამისი სასაქონლო ზედნადები, ინვოისი/ანგარიშ-ფაქტურა, და შემსყიდველის მხრიდან ინსპექტირებისას არ იქნება გამოვლენილი საქონლის რაიმე ნაკლი ან ხარვეზი.

7.2 შემსყიდველის მხრიდან მიღება-ჩაბარების აქტის ხელმოწერაზე პასუხისმგებელი პირია -----

7.3 მიმწოდებლის მხრიდან აქტის ხელმოწერაზე პასუხისმგებელი პირია -----

8. მხარეთა ვალდებულებები და პასუხისმგებლობა

8.1 მიმწოდებელი ვალდებულია უზრუნველყოს ხელშეკრულების განსაზღვრული საქონლის მიწოდება უნაკლოდ, თუკი საქონელი არ აღმოჩნდება სრულყოფილი, მიმწოდებელი ვალდებულია, შემსყიდველის მოთხოვნისთანავე, გამოასწოროს ეს ნაკლი.

8.2 მიმწოდებელი უფლებამოსილია მოსთხოვოს შემსყიდველს საქონლის ღირებულების ანაზღაურება ხელშეკრულებით გათვალისწინებული ვადებისა და პირობების დაცვით.

8.3 შემსყიდველი ვალდებულია გადაიხადოს საქონლის ღირებულება ამ ხელშეკრულებით გათვალისწინებული პირობებით;

8.4 შემსყიდველი უფლებამოსილია ნებისმიერ დროს განახორციელოს მიმწოდებლის მიერ ნაკისრი ვალდებულებების შესრულებისა და ხარისხის ინსპექტირება;

8.5 ფორსმაჟორული გარემოებების გარდა ხელშეკრულებით გათვალისწინებული ვალდებულებების შეუსრულებლობის ან არაჯეროვანი შესრულებისათვის მხარეებს დაეკისრება პირგასამტეხლოს გადახდა ყოველ ვადაგადაცილებულ დღეზე შეუსრულებელი ვალდებულების **ღირებულების 0,06%-ის** ოდენობით.

8.6 იმ შემთხვევაში, თუ დაკისრებული პირგასამტეხლოს ჯამური თანხა გადააჭარბებს ხელშეკრულების ჯამური ღირებულების 5 (ხუთი) პროცენტს, შემსყიდველი იტოვებს უფლებას შეწყვიტოს ხელშეკრულება და მოსთხოვოს მიმწოდებელს ხელშეკრულების შეწყვეტის მომენტისთვის გადასახდელი პირგასამტეხლოს ანაზღაურება.

8.7 პირგასამტეხლოს გადახდა არ ათავისუფლებს მხარეებს ძირითადი ვალდებულებების შესრულებისაგან.

9. ფორს-მაჟორი

9.1 მხარეებს არ დაეკისრებათ პასუხისმგებლობა ხელშეკრულებით გათვალისწინებული ვალდებულებების შეუსრულებლობის, არაჯეროვანი შესრულების ან ვადის გადაცილებისათვის თუკი, შეუსრულებლობა გამოწვეულია ფორს-მაჟორული გარემოებებით.

9.2 ამ მუხლის მიზნებისათვის ფორს-მაჟორი ნიშნავს ისეთ გარემოებებს, რომელთა არსებობის გამო მხარისათვის ობიექტურად შეუძლებელი იყო სახელშეკრულებო ვალდებულებების შესრულება (სტიქიური მოვლენები, საომარი მოქმედება, ეპიდემია, კარანტინი, საბიუჯეტო ასიგნებების მკვეთრი შემცირება, მომსახურების მიწოდებაზე ემბარგოს დაწესება, სახელწიფო გადატრიალება და სხვ.).

9.3 ფორს-მაჟორული გარემოებების დადგომის შემთხვევაში ხელშეკრულების მხარემ, რომლისთვისაც შეუძლებელი ხდება ნაკისრი ვალდებულებების შესრულება, პირველი შესაძლებლობისთანავე უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან პასუხს, იგი თავისი შეხედულებისამებრ, მიზანშეწონილობისა და შესაძლებლობის მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოწახოს ვალდებულების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებებისაგან.

10. ხელშეკრულებაში ცვლილებების შეტანის და შეწყვეტის წესი

10.1 ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ მხარეთა შორის წერილობითი ფორმით შედგენილი შეთანხმების საფუძველზე.

10.2 ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

10.3 საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში, ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.

10.4 ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.

10.5 ხელშეკრულების 10.4 პუნქტით გათვალისწინებულ შემთხვევაში ინიციატორი მხარე ვალდებულია გადაწყვეტილების მიღების განზრახვის შესახებ არანაკლებ 10 სამუშაო დღით ადრე წერილობით აცნობოს ამის შესახებ მეორე მხარეს.

11. დავების გადაჭრის წესი

ამ ხელშეკრულების შესრულების დროს წამოჭრილი ყველა დავა შეძლებისდაგვარად გადაიჭრება მხარეთა შორის მოლაპარაკების გზით. შეთანხმების მიუღწევლობის შემთხვევაში დავას წყვეტს სასამართლო.

12. დასკვნითი დებულებები

ხელშეკრულება შედგენილია თანაბარი იურიდიული ძალის მქონე სამ ეგზემპლარად ქართულ ენაზე (ორი რჩება შემსყიდველს, ერთი – შემსრულებელს).

13. მხარეთა რეკვიზიტები:

შემსყიდველი:

მიმწოდებელი:

პრეტენდენტის შეთავაზება

1. პრეტენდენტის რეკვიზიტები	
პრეტენდენტის იურიდიული ფორმა და დასახელება	
ხელმძღვანელის თანამდებობა, სახელი, გვარი	
პრეტენდენტის იურიდიული ან/და ფაქტიური მისამართი	
საიდენტიფიკაციო კოდი	
პრეტენდენტის ტელეფონის და მობილურის ნომერი	
ელექტრონული მისამართი	
მომსახურე ბანკის დასახელება	
ბანკის კოდი	
ანგარიშსწორების ანგარიში	

2. ინფორმაცია სატენდერო წინადადების მოქმედების ვადის თაობაზე (სისტემაში წინადადებების მიღების დაწყებიდან არანაკლებ 30 კალენდარული დღე)
სატენდერო წინადადება ძალაშია 20-- წლის _____ -მდე

პრეტენდენტის ხელმოწერა

ფასების ცხრილი

N	საქონლის დასახელება ბრენდი ან/და მოდელი	მახასიათებელი	მწარმოებელი კომპანია /ქვეყანა	რაოდენობა /განზომილ ება	ერთეულის ფასი	საერთო ღირებულება
	ჯამური ღირებულება:					

მიწოდების ვადა და ადგილი:

პრეტენდენტის ხელმოწერა